

ТР-ниң Кадык камгалал яамызының
сайыды Анатолий Константинович Югайга
Кызыл хоорайның хоочун чурттакчызы
Светлана Баировна Данзын-оолдан

ДИЛЕГ ЧАГАА

Хүндүлүг Анатолий Константинович, удавас болур Эмчилер хүнүн
уткуштур профессионал байырлалыңар-биле байыр чедирип тур мен.

Мен, Светлана Байыровна Данзын-оол, 1-ги бөлүктүн инвалиди
(карак талазы-биле), 75 хар чедир адак чиик ажылдап чордум. 2022
чылдың сентябрьда коронавирустан аарааш, эмнелгеден ыравастадым.
Оон бээр эмчилерниң, медсестраларның ачы-дузазын көрүп келдим.

Бо чагааны бижиир ужурум болза, мээң барып турарым 1 дугаар
поликлиникада эвилең-ээлдек, ажылынга бердинген эмчилерни мактап
ханмас мен. Ол болза карак эмчизи Долаана Даш-ооловна Монгуш. Бо
эмчиге Медицина хүнүн таварыштыр шаңналды тыпсырын диледим. Ол
ышкаш хүндүскү стационарда эмчи сестразы Чочагай Кызыл-ооловна
Дамчат — 20 ажыг чыл ажылдап турар, ажыл-херээн кайгамчык эки
билир, аарыг кижилерге эвилең-ээлдек, чымчак сеткилдиг улуг
специалист-тир. Ол ышкаш эмчи сестралары Байлак Алексеевна Дамба,
Саяна Владимировна Бюрбюну база демдегледип болур.

Тыва журналистикага 50 чыл үзүк чок ажылдаан мен, шак мындыг
кадрларже кичээнгей салыры күзенчиг деп билир мен. 20 чыл
хамаанчок, 10 чыл төлептиг ажылдаан кижиге – «Күш-ажылдың хоочуну»
деп атка төлептиг болур. Ынчангаш үстүндө адааным кадрлар ындыг
атты алыр ужурлуг. «Күш-ажылдың хоочуну» ат алган кижиге бүгү
талазы-биле чиигелделиг болур, ол дээрге улуг деткимче-дир.

Мындыг кижилерге улуг удуртукчулар чогуур кичээнгей салыр
ужурлуг.

Найысылалывыстың Лопсанчап кудумчузунда Гериатрия эмнелгезиниң хоочун эмчилери Вероника Олеговна Хертек, Марина Маратовна Куулар оларга «ТР-ниң алдарлыг эмчилери» деп атты тыпсыр үе келген. Бо дугайында база бодап көрүңер.

Ийи катап коронавирус аарааш, карак талазы-биле Томск хоорайга эмнедип, ийи катап кезиишкин эрттирдим. Томск хоорайның клиниказы Тываның кадык камгалал яамызы-биле керээ чарганындан бээр 5 чыл болган. Тывадан бир хүнде безин 7-8 кижиге барып караан эмнедип турары онзагай. Ынчангаш юбилей таварыштыр бо улуг Төпке, ооң профессорлары, офтальмологияның эртем ажылдакчылары А.А. Березовская, ол клиниканың эргелекчизи Я.А. Мартусевич оларга шаңнал тыпсыры – Тывага алдар болур.


Бо үстүнде мээң саналымны деткип, Эмчилер хүнүн таварыштыр өөренип көөрүн улуг хүндүткел-биле диледим.

Хүндүлүг Анатолий Константинович, хоочун журналистиң мындыг саналы бар: бистиң Тывада кижилерниң кадыгы экижип турар, хар-назын 2014 чылдан тура 67,7 хар узааны эки. Арагалаашкын 90 чылдан эвээжээн, ылаңгыя аныяктар аразында кадык амыдырал күштелген деп билип турар мен. Арагага удур мындыг санал бар — ковидти вакцина тиилеп үнүп келген болгай. Чүге арагага удур вакцина чогаадып болбазыл? Бисте медицина талазы-биле эртем докторлары бар болгай, олар каттыжып алгаш арагалаашкынга удур вакцинаны чүге болбазыл. Ынчангаш мээң бо саналымны өөренип көөрүн диледим.

Улуг идегел болгаш бүзүрел-биле,
«Ачы-буян» орденниң эдилекчизи, Күш-ажылдың хоочуну, Тыва Республиканың культуразының алдарлыг ажылдакчызы, ТР-ниң алдарлыг журнализи, Кызыл хоорайның хүндүлүг ажылдакчызы С.Б. ДАНЗЫН-ООЛ.

2023 чылдың май 27.

Адресим: г. Кызыл, ул. Титова 15, кв.22, тел. 89235443369



ЭВИЛЕН-ЭЭЛДЕК АК ХАЛАТТЫГ КЫСТАР

Хар-назыным улгадып, 80 хар чооктуулаан кижинин баар орум эмнелге апарды. 75 харга чедир ажылдап чораш, ындагы-ла кончуг аарывайн турдум. 2021 чылдын сентябрь айда коронавирустан арааш, ол-ла хевээр эмнелгеден ыраастадым. Делегейге неггерзэн хамчыктыг коро-навирустан хей-ле кижилер чок болду. Тываны база ол оюп эртпээн, дыка хей эки кижилеривисти чидир-дивис. Хамчык-биле улуг демиселге тыва медицина кончуг-даа туруштуг бүгү-ле хемчеглерни ап келди.

ЧУРТАП ТУРАР АДРЕ-ЗИМ ААЙЫ-БИЛЕ НАЙЫСЫЛАДЫН

Гагарин кудумчузунда 1 дугаар поликлиникаже эмчи-леп тураар мен. Ленин кудум-чузунда терапия салбыры турган бажыңны хоорай поликлиниказының бир оран-сваазы кылдыр эде кылганы аарыг кижилерге эптиг бай-

далды тургускан. Участок эмчилеринин кабинеттерин таарыштыр кылганынга кизи бугузу сеткили ханып эмчи-леп кээр апарган. Ылангыя оон 2-ги каздында хундуску стационарны ажытканынга дыка өөрүп тураар бис. Оон иштин кончуг арыг-силит

орун-дежек болгаш техника-биле дерзэн. Ол ерээлдин кол ээлери — ак халаттыг, эвилен-ээлдек эмчи сестралары. Олар хүнде 40—50 хире аарыг кижилерге бараан болуп, сы-кыртыл, капелыңчалар салып эмнел турарлар. Бо кайтам-чык коллективте аңгы-аңгы

тускай эртемниг эмчилерин, эмчи сестраларының база санитаркаларның эл-найралдыг ажылдап тура-рын эскердим. Май 12 — эмчи сестра-ларының хүнүн таарыштыр ак халаттыг эмчилеримге байыр чедирбишаан, оларның



/ Кызылдын 1 дугаар поликлиниказының хундуску стационарның коллективи.

аттарын маңаа демделгесе-дим: хундуску стационарның эргелекчизи Улана Мөңүн-ооловна Бурунчал, хирург эмчи Шенне Владимировна Бюрбю, улуг эмчи сестразы Октябрина Александров-на Тюлюш, хирург эмчинин сестразы Чочагай Кызыл-ооловна Дамчат, невролог эмчи Саяна Сарыг-ооловна Куулар, терапевт эмчи Со-руктүг Александрович Ондар, терапевт эмчинин сестразы Алена Александровна Левек, санитарка Олча Эдуардовна Анай-оол дээш эскереп-даа. Ылангыя сөөлгү 5 чыл дургузунда эвилен-ээлдек эмчилерим Октябрина Александровнаның, Чоча-гай Кызыл-ооловнаның база Шенне Владимировнаның буяңын көрүп, эмнээшкинни ап келдим. Профессинал байырлалыңар-биле, эмчиле-рим!

Светлана ДАНЗЫН-ООЛ,
Тыва Республиканың
алдарлыг журнализи.